



ტყიბულის  
მუნიციპალიტეტის  
2026 წლის ბიუჯეტის  
გზამკვლევი



## ტყიბულის მუნიციპალიტეტის 2026 წლის ბიუჯეტის გზამკვლევი

### გზამკვლევის შესახებ

სახელმწიფოს პრიორიტეტია საკუთარი მოსახლეობის დაცვა, მათი სოციალური ინტეგრირების ხელშეწყობა, თითოეული მოქალაქის ეკონომიკური სტაბილურობის მიღწევა, ასევე მოქალაქეებისთვის იმის ახსნა თუ საიდან მოდის და სად მიდის თანხები სახელმწიფო ბიუჯეტში. აღნიშნულის განხორციელება შესაძლებელია მხოლოდ აქტიური მოქალაქეების მეშვეობით.

გზამკვლევის მიზანია საზოგადოებისთვის იმ ძირითადი საკვანძო საკითხების მიწოდება, რომელსაც ითვალისწინებს მუნიციპალიტეტის ბიუჯეტი. გზამკვლევის მეშვეობით დაინტერესებული პირი გაიგებს თუ რას ნიშნავს ტერმინი ბიუჯეტი, წარმოდგენა შეექმნება ბიუჯეტის მიმართულებებზე, ასევე ბიუჯეტით დაგეგმილ ღონისძიებებზე, მუნიციპალიტეტის მიერ წლის განმავლობაში მისაღები შემოსულობების მოცულობის და დასახული მიზნების მისაღწევად გასაწევი ხარჯების თაობაზე.

### რას ნიშნავს ტერმინი „ბიუჯეტი“

სიტყვა ბიუჯეტი წარმოიშვა ძველი ნორმანდიული ენიდან, რაც საფულეს, ტყავის ქისას ნიშნავს. ზოგადი გაგებით ბიუჯეტი არის ფიზიკური ან იურიდიული პირის შემოსავლებისა და ხარჯების ნუსხა, დროის კონკრეტული პერიოდისათვის. კანონმდებლობით, მუნიციპალიტეტის ბიუჯეტი განისაზღვრება, როგორც შესაბამისი მუნიციპალიტეტის საკრებულოს მიერ დამტკიცებული, მუნიციპალიტეტის ფუნქციებისა და ვალდებულებების შესრულების მიზნით მისაღები შემოსულობების, გასაწევი გადასახდელებისა და ნაშთის ცვლილების ერთობლიობა.



### ადგილობრივი თვითმმართველობის შესახებ

ადგილობრივი თვითმმართველობის საკითხი განვითარებული ქვეყნების უმრავლესობაში ყოველთვის იმყოფებოდა საზოგადოების ყურადღების ცენტრში. მუნიციპალიტეტს უწოდებდნენ საქალაქო მმართველობას, რომელიც საკითხებს წყვეტდა ქალაქის მოსახლეობის ინტერესებიდან გამომდინარე. ტერმინი „მუნიციპალიტეტი“ თავის ისტორიას იწყებს ძველი რომის ეპოქიდან. ასე უწოდებდნენ ქალაქებს, რომლებიც ფლობდნენ თვითმმართველობის უფლებას, სადაც საკითხების გადაწყვეტა ხორციელდებოდა არჩეული უხუცესების, საპატიო და წარჩინებული მოქალაქეების მიერ. თანამედროვე გაგებით ტერმინი „მუნიციპალიტეტი“ აღნიშნავს არჩეულ საქალაქო და სოფლის თვითმმართველობას.

ევროპული ქვეყნები 1985 წელს იღებენ ევროპულ ქარტიას ადგილობრივი თვითმმართველობის შესახებ, რომლითაც განსაზღვრავენ ადგილობრივი თვითმმართველობის ძირითად პრინციპებს. საქართველო ევროპულ ქარტიას 2004 წელს შეუერთდა და იგი ძალაში 2005 წლიდან შევიდა. დამოუკიდებლობის გამოცხადების შემდეგ, საქართველოში ადგილობრივი თვითმმართველობის ჩამოყალიბება რამდენიმე ეტაპად განხორციელდა.

1991 წლის 30 აპრილს პირდაპირი კენჭისყრით არჩეულ იქნა სოფლის, თემის, დაბის და რაიონული დაქვემდებარების ქალაქების საკრებულოები. სოფლის, თემისა და დაბის საკრებულოებმა აირჩიეს რაიონებისა და რესპუბლიკური დაქვემდებარების ქალაქების საკრებულოები, ხოლო რაიონებისა და რესპუბლიკური დაქვემდებარების ქალაქების აღმასრულებელი ორგანოების ხელმძღვანელებს - პრეფექტებს ნიშნავდა რესპუბლიკის პრეზიდენტი.

1992 წლის დასაწყისში ცენტრალური ხელისუფლების შეცვლის შემდეგ, სამხედრო საბჭოს აქტებით მოხდა პრეფექტის ინსტიტუციის გაუქმება. პრეფექტურების ნაცვლად შეიქმნა გამგეობები, ხოლო პრეფექტი გამგეობის თავმჯდომარით შეიცვალა, ზოგიერთ ქალაქში კი მერი დაინიშნა.

1997 წელს პარლამენტმა მიიღო კანონი „ადგილობრივი თვითმმართველობისა და მმართველობის შესახებ“. ამ კანონის საფუძველზე 1998 წელს ჩატარებული არჩევნებით, შეიქმნა ორდონიანი სისტემა: პირველი დონე - თვითმმართველობა სოფლებში, თემებში, დაბებსა და ქალაქებში. ჩამოყალიბდა ათასამდე თვითმმართველი ერთეული, რომლებსაც რაიონულ დონეზე აერთიანებდა პროპორციული სისტემით არჩეული საკრებულო.

2006 წელს ძალაში შევიდა ორგანული კანონი „ადგილობრივი თვითმმართველობის შესახებ“, რომლის საფუძველზე იმავე წელს ჩატარებული ადგილობრივი თვითმმართველობის არჩევნების შედეგების ოფიციალური გამოცხადების დღიდან, გაუქმდა ქვედა დონე და ერთადერთ თვითმმართველ ერთეულად ყოფილი რაიონების ფარგლებში ფორმირებული მუნიციპალიტეტი გამოცხადდა.

2014 წელს ამოქმედდა ადგილობრივი თვითმმართველობის კოდექსი, რომელიც განსაზღვრავს თანამედროვე ადგილობრივი თვითმმართველობის საკითხებს.



### მუნიციპალიტეტის ბიუჯეტის სტრუქტურა

ბიუჯეტის სტრუქტურა მოიცავს შემდეგი სახის ინფორმაციას: პირველ თავში მოცემულია ბიუჯეტის ძირითადი პარამეტრები, მათ შორის შემოსულობებისა და გადასახდელების გაშლა, ეკონომიკური და ფუნქციონალური კლასიფიკაციების მიხედვით. მეორე თავში წარმოდგენილია ბიუჯეტით განსაზღვრული პრიორიტეტები და მათ ფარგლებში დაგეგმილი პროგრამების და ქვეპროგრამების აღწერა და მიზანი, პროგრამები დაჯგუფებულია პრიორიტეტების, მათი განმახორციელებელი მხარჯავი დაწესებულებების მიხედვით და წარმოდგენილია თითოეული პროგრამისათვის გამოყოფილი ასიგნებების მოცულობა. ამავე თავშია განსაზღვრული გადასახდელების მოცულობაც;

### ბიუჯეტის შემოსულობები, გადასახდელები და ნაშთის ცვლილება

ბიუჯეტის პროექტის მიხედვით, მუნიციპალიტეტის 2026 წლის შემოსულობების ჯამური მაჩვენებელი განისაზღვრება 15657,0 ათასი ლარის ოდენობით.

ბიუჯეტის ხარჯვითი ნაწილიც განსაზღვრულია 15657,0 ათასი ლარით.

| დასახელება                   | 2024 წლის ფაქტი | 2025 წლის გეგმა  |                      |                             | 2026 წლის პროექტი |                      |                             |
|------------------------------|-----------------|------------------|----------------------|-----------------------------|-------------------|----------------------|-----------------------------|
|                              |                 | სულ              | მათ შორის            |                             | სულ               | მათ შორის            |                             |
|                              |                 |                  | საკუთარი შემოსავლები | სახელმწიფო ბიუჯეტის ფონდები |                   | საკუთარი შემოსავლები | სახელმწიფო ბიუჯეტის ფონდები |
| <b>შემოსულობები</b>          | <b>28 081,0</b> | <b>26 020,8</b>  | <b>17 645,9</b>      | <b>8 374,9</b>              | <b>15 657,0</b>   | <b>15 441,2</b>      | <b>215,8</b>                |
| შემოსავლები                  | 24 261,0        | 23 302,5         | 14 927,6             | 8 374,9                     | 12 709,8          | 12 494,0             | 215,8                       |
| არაფინანსური აქტივების კლება | 3 755,9         | 2 718,3          | 2 718,3              |                             | 2 947,2           | 2 947,2              | -                           |
| ვალდებულებების ზრდა          | 64,1            | -                |                      |                             | -                 | -                    |                             |
| <b>გადასახდელები</b>         | <b>22 967,4</b> | <b>27 831,2</b>  | <b>17 680,2</b>      | <b>10 151,0</b>             | <b>15 657,0</b>   | <b>15 441,2</b>      | <b>215,8</b>                |
| ხარჯები                      | 15 045,8        | 18 194,9         | 15 154,2             | 3 040,7                     | 15 217,9          | 15 002,1             | 215,8                       |
| არაფინანსური აქტივების ზრდა  | 7 863,6         | 9 578,2          | 2 467,9              | 7 110,3                     | 410,0             | 410,0                | -                           |
| ვალდებულებების კლება         | 58,0            | 58,1             | 58,1                 | -                           | 29,1              | 29,1                 | -                           |
| <b>ნაშთის ცვლილება</b>       | <b>5 113,6</b>  | <b>- 1 810,4</b> | <b>- 34,3</b>        | <b>- 1 776,1</b>            | <b>-</b>          | <b>-</b>             | <b>-</b>                    |



## მუნიციპალიტეტის ბიუჯეტის შემოსულობები

მუნიციპალიტეტის 2026 წლის შემოსავლები ჯამური მაჩვენებელი 2025 წლის გეგმასთან შედარებით გაზრდილია 17,0%-ით, 2601,7 ათასი ლარით და განისაზღვრება 18100,0 ათასი ლარის ოდენობით.

| დასახელება       | 2024<br>წლის<br>ფაქტი | 2025 წლის გეგმა |                         |                                   | 2026 წლის პროექტი |                         |                                   |
|------------------|-----------------------|-----------------|-------------------------|-----------------------------------|-------------------|-------------------------|-----------------------------------|
|                  |                       | სულ             | მათ შორის               |                                   | სულ               | მათ შორის               |                                   |
|                  |                       |                 | საკუთარი<br>შემოსავლები | სახელმწიფო<br>ბიუჯეტის<br>ფონდები |                   | საკუთარი<br>შემოსავლები | სახელმწიფო<br>ბიუჯეტის<br>ფონდები |
| შემოსავლები      | 24 261,0              | 23 302,5        | 14 927,6                | 8 374,9                           | 12 709,8          | 12 494,0                | 215,8                             |
| გადასახადები     | 10 013,4              | 11 411,7        | 11 411,7                | -                                 | 12 134,0          | 12 134,0                | -                                 |
| გრანტები         | 13 617,2              | 11 360,8        | 2 985,9                 | 8 374,9                           | 215,8             | -                       | 215,8                             |
| სხვა შემოსავლები | 630,4                 | 530,0           | 530,0                   |                                   | 360,0             | 360,0                   |                                   |



### გადასახადები

გადასახადების საპროგნოზო მაჩვენებელი შეადგენს 12134,0 ათას ლარს ლარს, მათ შორის: ქონების გადასახადის საპროგნოზო მაჩვენებელი განისაზღვრა 850,0 ათასი ლარით, ხოლო დამატებული ღირებულების გადასახადის 11284,0 ლარით.

| დასახელება                                    | 2024 წლის ფაქტი    | 2025 წლის გეგმა |                      |                             | 2026 წლის პროექტი |                      |                             |
|---|--------------------|-----------------|----------------------|-----------------------------|-------------------|----------------------|-----------------------------|
|   |                    | სულ             | მათ შორის            |                             | სულ               | მათ შორის            |                             |
|   |                    |                 | საკუთარი შემოსავლები | სახელმწიფო ბიუჯეტის ფონდები |                   | საკუთარი შემოსავლები | სახელმწიფო ბიუჯეტის ფონდები |
| <b>გადასახადები</b>                           | <b>10 013,4</b>    | <b>11 411,7</b> | <b>11 411,7</b>      | <b>-</b>                    | <b>12 134,0</b>   | <b>12 134,0</b>      | <b>-</b>                    |
| საშემოსავლო გადასახადი                        | -                  | -               | -                    | -                           | -                 | -                    | -                           |
| დამატებითი ღირებულების გადასახადი             | 219,9 <sup>9</sup> | 10 611,7        | 10 611,7             | -                           | 11 284,0          | 11 284,0             | -                           |
| ქონების გადასახადი                            | 793,5              | 800,0           | 800,0                | -                           | 850,0             | 850,0                | -                           |
| საქართველოს საწარმოთა ქონებაზე (გარდა მიწისა) | 395,5              | 500,0           | 500,0                | -                           | 450,0             | 450,0                | -                           |
| უცხოურ საწარმოთა ქონებაზე (გარდა მიწისა)      | -                  | -               | -                    | -                           | -                 | -                    | -                           |
| ფიზიკურ პირთა ქონებაზე (გარდა მიწისა)         | 17,1               | -               | -                    | -                           | -                 | -                    | -                           |
| სასოფლო სამეურნეო დანიშნულების მიწაზე         | 63,7               | -               | -                    | -                           | -                 | -                    | -                           |
| არასასოფლო სამეურნეო დანიშნულების მიწაზე      | 317,2              | 300,0           | 300,0                | -                           | 400,0             | 400,0                | -                           |



## გრანტები

2026 წლის ბიუჯეტის პროექტში გრანტების საპროგნოზო მაჩვენებელი განისაზღვროს 215,8 ათასი ლარით:

| დასახელება  | 2024 წლის ფაქტი | 2025 წლის გეგმა | 2026 წლის პროექტი |
|---|-----------------|-----------------|-------------------|
| <b>გრანტები</b>   | <b>13 617,3</b> | <b>11 360,8</b> | <b>215,8</b>      |
| საერთაშორისო ორგანიზაციებიდან მიღებული გრანტები                     | 559,1           | 485,9           |                   |
| გრანტები სახელმწიფო ბიუჯეტიდან                                      | 13 058,2        | 10 874,9        | 215,8             |
| გათანაბრებითი ტრანსფერი   | -               | -               |                   |
| მიმდინარე ტრანსფერი   | 1 917,6         | 3 698,1         |                   |
| მიზნობრივი ტრანსფერი დელეგირებული უფლებამოსილების განსახორციელებლად | 917,6           | 1 064,8         | 215,8             |
| სპეციალური ტრანსფერი  | 1 000,0         | 2 500,0         |                   |
| სხვა მიმდინარე გრანტი   | -               | 133,3           |                   |
| კაპიტალური ტრანსფერი  | 8 715,8         | 6 846,8         | -                 |
| ინფრასტრუქტურის განვითარებისათვის                                   | 8 173,8         | 5 654,8         | -                 |
| სხვა კაპიტალური გრანტი  | -               | 331,3           |                   |
| მაღალმთიანი რეგიონები   | -               | 300,0           |                   |
| სკოლების სარეაბილიტაციო ღონისძიებები                                | -               | 18,7            | -                 |
| სოფლის მხარდაჭერის პროგრამა   | 542,0           | 542,0           | -                 |
| სპეციალური ტრანსფერი მათ შორის :                                    | 2 424,8         | 330,0           | -                 |
| სტიქიის შედეგების სალიკვიდაციო ღონისძიებების განხორციელების თაობაზე | 2 424,8         | 330,0           |                   |
| საქართველოს მთავრობის სარეზერვო ფონდიდან გამოყოფილი თანხები         | -               | -               | -                 |



## სხვა შემოსავლები

ბიუჯეტის სხვა შემოსავლები განისაზღვროს 360,0 ათასი ლარით:

| დასახელება   | 2024 წლის ფაქტი | 2025 წლის გეგმა | 2026 წლის პროექტი |
|--|-----------------|-----------------|-------------------|
| <b>სხვა შემოსავლები</b>  | <b>630,4</b>    | <b>530,0</b>    | <b>360,0</b>      |
| შემოსავლები საკუთრებიდან   | 393,8           | 370,0           | 220,0             |
| პროცენტი   | 223,2           | 120,0           | 20,0              |
| რენტა  | 170,6           | 250,0           | 200,0             |
| საქონლისა და მომსახურების რეალიზაცია                             | 55,7            | 70,0            | 60,0              |
| ადმინისტრაციული მოსაკრებლები და გადასახდებლები                   | 44,6            | 70,0            | 60,0              |
| სანებართვო მოსაკრებელი   | - 4,7           | 20,0            | 10,0              |
| სამხედრო სავალდებულო სამსახურის გადავადების მოსაკრებელი          | -               |                 |                   |
| ადგილობრივი მოსაკრებელი დასახლებული ტერიტორიის დასუფთავებისათვის | 49,3            | 50,0            | 50,0              |
| არასაბაზრო წესით გაყიდული საქონელი და მომსახურება                | 11,1            | -               | -                 |
| სანქციები (ჯარიმები და საურავები)                                | 42,0            | 60,0            | 50,0              |
| შერეული და სხვა არაკლასიფიცირებული შემოსავლები                   | 138,9           | 30,0            | 30,0              |

## ხარჯები

ბიუჯეტის ხარჯები განისაზღვროს 15217,9 ათასი ლარით:

| დასახელება              | 2024 წლის ფაქტი  | 2025 წლის გეგმა |                      |                             | 2026 წლის პროექტი |                      |                             |
|-------------------------|------------------|-----------------|----------------------|-----------------------------|-------------------|----------------------|-----------------------------|
|                         |                  | სულ             | მათ შორის            |                             | სულ               | მათ შორის            |                             |
|                         |                  |                 | საკუთარი შემოსავლები | სახელმწიფო ბიუჯეტის ფონდები |                   | საკუთარი შემოსავლები | სახელმწიფო ბიუჯეტის ფონდები |
| <b>ხარჯები</b>          | <b>16 960,60</b> | <b>18 194,9</b> | <b>15 154,2</b>      | <b>3 040,7</b>              | <b>15 217,9</b>   | <b>15 002,1</b>      | <b>215,8</b>                |
| შრომის ანაზღაურება      | 2 520,00         | 3 227,4         | 3 198,8              | 28,6                        | 3 212,0           | 3 212,0              | -                           |
| საქონელი და მომსახურება | 3 101,90         | 2 695,1         | 1 806,4              | 888,7                       | 1 713,4           | 1 713,4              | -                           |
| პროცენტები              | 11,40            | 8,5             | 8,5                  | -                           | 5,0               | 5,0                  | -                           |
| სუბსიდიები              | 6 820,30         | 8 489,8         | 8 153,0              | 336,8                       | 8 660,8           | 8 472,0              | 188,8                       |
| გრანტი                  | 13,70            | 15,0            | 15,0                 |                             | 15,0              | 15,0                 |                             |
| სოციალური უზრუნველყოფა  | 1 256,00         | 1 013,4         | 986,4                | 27,0                        | 1 077,7           | 1 050,7              | 27,0                        |
| სხვა ხარჯები            | 3 237,3          | 2 745,7         | 986,1                | 1 759,6                     | 534,0             | 534,0                | -                           |



## ინფრასტრუქტურის განვითარება

მუნიციპალიტეტის ეკონომიკური განვითარებისათვის აუცილებელ პირობას წარმოადგენს მუნიციპალური ინფრასტრუქტურის შემდგომი გაუმჯობესება და აღნიშნული მიმართულება ბიუჯეტის ერთ-ერთი მთავარი პრიორიტეტია. ინფრასტრუქტურის განვითარება პირდაპირ კავშირშია მუნიციპალიტეტის მოსახლეობის კეთილდღეობასთან, ინფრასტრუქტურული პროექტების განხორციელება ხელს შეუწყობს მუნიციპალიტეტში ინვესტიციების მოზიდვას, რაც ტურიზმის, მრეწველობის, სოფლის მეურნეობის და სხვა დარგების განვითარების წინაპირობაა. ბოლო წლების განმავლობაშიც, სწორედ ამ სფეროს დაფინანსებაზე მოდის ბიუჯეტის ხარჯვითი ნაწილის უდიდესი წილი. პრიორიტეტის ფარგლებში გაგრძელდება საბიუჯეტო პროგრამები: საგზაო ინფრასტრუქტურის რეაბილიტაცია და ექსპლოატაცია, ნაპირსამაგრი სისტემის რეაბილიტაცია და ექსპლოატაცია, წყლის სისტემის რეაბილიტაცია და ექსპლოატაცია, გარე განათების რეაბილიტაცია და ექსპლოატაცია, მუნიციპალიტეტის კეთილმოწყობის ღონისძიებები, სოფლის მხარდაჭერის პროგრამა. პრიორიტეტის ასიგნების მოცულობა საკუთარი სახსრების ნაწილში განსაზღვრულია 15441,2 ათასი ლარით. აღსანიშნავია რომ, საწყის ბიუჯეტში არ არის გთვალისწინებული რეგიონებში განსახორციელებელი პროექტების ფონდით, სოფლის მხარდაჭერის პროგრამითა და სხვა სახელმწიფო პროგრამებით განსახორციელებელი ღონისძიებები, რომლებიც 2026 წლის განმავლობაში, მთავრობის განკარგულების საფუძველზე აისახება ბიუჯეტში.

| პროგრამული კოდი | პრიორიტეტი, პროგრამა, ქვეპროგრამა  | 2026 წლის პროექტი |
|-----------------|--|-------------------|
| 02 00           | <b>ინფრასტრუქტურის განვითარება</b>   | <b>2 022,8</b>    |
| 02 01           | საგზაო ინფრასტრუქტურის განვითარება   | 120,0             |
| 02 01 01        | გზების კაპიტალური შეკეთება   | -                 |
| 02 01 02        | გზების მიმდინარე შეკეთება  | 10,0              |
| 02 01 03        | სატრანსპორტო საშუალებების შეძენა   | 110,0             |
| 02 02           | წყლის სისტემების განვითარება   | -                 |
| 02 02 01        | სასმელი წყლის სისტემის ექსპლოატაცია  | -                 |
| 02 03           | გარე განათება  | 300,0             |
| 02 03 01        | გარე განათების ქსელის ექსპლოატაცია   | 300,0             |
| 02 03 02        | გარე განათების ქსელის მოწყობა  | -                 |
| 02 04           | მშენებლობა, ავარიული ობიექტებისა და შენობების რეაბილიტაცია                               | -                 |
| 02 04 01        | მრავალსართულიანი შენობების სახურავების რეაბილიტაცია                                      | -                 |
| 02 04 02        | მრავალსართულიანი შენობების ლიფტების რეაბილიტაცია   | -                 |
| 02 04 03        | მრავალსართულიანი შენობების ეზოების რეაბილიტაცია  | -                 |
| 02 04 04        | მრავალსართულიანი შენობების ფასადები  | -                 |
| 02 05           | კეთილმოწყობის ღონისძიებები   | -                 |
| 02 05 01        | ინფრასტრუქტურის განვითარება  | -                 |
| 02 06           | მუნიციპალური ტრანსპორტის განვითარება   | 624,4             |
| 02 07           | საპროექტო დოკუმენტაციისა და საექსპერტო მომსახურების შესყიდვა                             | 75,0              |
| 02 08           | კომუნალური მეურნეობის განვითარება  | 603,4             |
| 02 09           | საპროექტო დოკუმენტაციისა და სამშენებლო სამუშაოების ტექნიკური ზედამხედველობის მომსახურება | 300,0             |
| 02 10           | სოფლის მხარდაჭერის პროგრამა  | -                 |



### დასუფთავება

პრიორიტეტის ფარგლებში განხორციელდება მუნიციპალიტეტის დასუფთავების მომსახურებისა და დასუფთავების მომსახურების მატერიალურ-ტექნიკური უზრუნველყოფის საბიუჯეტო პროგრამების დაფინანსება. უზრუნველყოფილი იქნება მუნიციპალიტეტის სანიტარული წესრიგის შენარჩუნება და გაუმჯობესება, ნარჩენების სრული იზოლირება მოსახლეობისა და გარემოსაგან, ყოველდღიური დაგვა-დასუფთავება და ნარჩენების გატანა. 2026 წლის ასიგნება 762,5 ათასი ლარით განისაზღვრა.

| პროგრამული კოდი | პრიორიტეტი, პროგრამა, ქვეპროგრამა              | 2026 წლის პროექტი |
|-----------------|--|-------------------|
| 03 00           | დასუფთავება და გარემოს დაცვა                   | 762,5             |
| 03 01           | დასუფთავება და ნარჩენების გატანა               | 762,5             |
| 03 02           | მწვანე ნარგავების მოვლა-პატრონობა, განვითარება | -                 |
| 03 04           | უპატრონო ცხოველების მოვლითი ღონისძიებები       | -                 |

### განათლება

მომავალი თაობების აღზრდის მიმართულებით დაწყებითი და ზოგადი განათლების გარდა მნიშვნელოვანი როლი ენიჭება ასევე სკოლამდელ განათლებას, რაც თვითმმართველი ერთეულის საკუთარ უფლებამოსილებებს განეკუთვნება და შესაბამისად მუნიციპალიტეტის ერთ-ერთ პრიორიტეტს წარმოადგენს, რომლის ფარგლებში მომდევნო წლებში განხორციელდება საბავშვო ბაღების ფუნქციონირებისათვის საჭირო ხარჯების დაფინანსება, ინვენტარით უზრუნველყოფა. მუნიციპალიტეტი საქართველოს განათლებისა და მეცნიერების სამინისტროსთან გაფორმებული დელეგირების ხელშეკრულების საფუძველზე განახორციელებს საჯარო სკოლების მოსწავლეთა ტრანსპორტირებისა და სკოლების მცირე სარეაბილიტაციო სამუშაოებს. პრიორიტეტის დაფინანსება წინა წელთან შედარებით გაზრდილია და 2908,0 ათას ლარს შეადგენს.

| პროგრამული კოდი | პრიორიტეტი, პროგრამა, ქვეპროგრამა          | 2026 წლის პროექტი |
|-----------------|--|-------------------|
| 04 00           | განათლება                                  | 2 908,0           |
| 04 01           | სკოლამდელი დაწესებულებების ფუნქციონირება   | 2 908,0           |
| 04 02           | სკოლამდელი ობიექტების მოწყობა რეაბილიტაცია | -                 |
| 04 03           | განათლების ღონისძიებები                    | -                 |



ტიბულის  
მუნიციპალიტეტის 2026  
წლის ბიუჯეტის  
გზამკვლევი

### კულტურა, ახალგაზრდობა და სპორტი

მუნიციპალიტეტის ინფრასტრუქტურული და ეკონომიკური განვითარების პარალელურად აუცილებელია ხელი შეეწყოს კულტურული ტრადიციების დაცვას და ამ ტრადიციების ღირსეულ გაგრძელებას. ამასთანავე ერთ-ერთი პრიორიტეტია ახალგაზრდების სულიერი და ფიზიკური განვითარების ხელშეწყობა და მათში ცხოვრების ჯანსაღი წესის დამკვიდრება. შესაბამისად, მუნიციპალიტეტი განაგრძობს კულტურული ღონისძიებების ფინანსურ მხარდაჭერას, წარმატებული სპორტსმენების ხელშეწყობას და შესაბამისი პირობების შექმნას რათა ნიჭიერმა ბავშვებმა და ახალგაზრდებმა შეძლონ მათი სპორტული შესაძლებლობების გამოვლინება. უზრუნველყოფილი იქნება ახალგაზრდებში ცხოვრების ჯანსაღი წესის წახალისების მიზნით გასატარებელი ღონისძიებების ჩატარება. 2026 წლის ასიგნების მოცულობა 3369,2 ათას ლარს შეადგენს.

| პროგრამული კოდი | პრიორიტეტი, პროგრამა, ქვეპროგრამა               | 2026 წლის პროექტი |
|-----------------|---|-------------------|
| 05 00           | კულტურა, ახალგაზრდობა და სპორტი                 | 3 369,2           |
| 05 01           | სპორტის სფეროს განვითარება                      | 1 903,2           |
| 05 01 01        | სპორტული დაწესებულებების ხელშეწყობა             | 1 903,2           |
| 05 01 01 01     | სპორტული ცენტრის ხელშეწყობა                     | 777,2             |
| 05 01 01 02     | სპორტული ღონისძიებები                           | 65,0              |
| 05 01 01 03     | ჭადრაკის განვითარების ხელშეწყობის პროგრამა      | 86,0              |
| 05 01 02        | ბავშვთა ფეხბურთის განვითარების პროგრამა         | 600,0             |
| 05 01 03        | სპორტისა და დასვენების ობიექტების მოწყობა       | -                 |
| 05 01 04        | კალათბურთის განვითარების ხელშეწყობის პროგრამა   | 375,0             |
| 05 02           | კულტურის სფეროს განვითარება                     | 1 316,0           |
| 05 02 01        | კულტურის დაწესებულებათა გაერთიანების ხელშეწყობა | 654,0             |
| 05 02 02        | სახელოვნებო განათლების ხელშეწყობა               | 637,0             |
| 05 02 03        | ტურიზმის განვითარების ხელსეწყობის პროგრამა      | -                 |
| 05 02 04        | კულტურის ღონისძიებები                           | 25,0              |
| 05 02 05        | კულტურის ობიექტების მოწყობა                     | -                 |
| 05 03           | რელიგიური ორგანიზაციების ხელშეწყობა             | 150,0             |
| 05 04           | ახალგაზრდობის მხარდაჭერა                        | -                 |



### ჯანმრთელობის დაცვა და სოციალური უზრუნველყოფა

მოსახლეობის ჯანმრთელობის დაცვის ხელშეწყობა და მათი სოციალური დაცვა მუნიციპალიტეტის ერთ-ერთ მთავარ პრიორიტეტს წარმოადგენს. მუნიციპალიტეტი არსებული რესურსების ფარგლებში განაგრძობს უზრუნველყოფს დაუცველი მოსახლეობის სხვადასხვა დახმარებებით და შეღავათების უზრუნველყოფას. სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში განაგრძობს საზოგადოებრივი ჯანმრთელობის დაცვის მიზნით სხვადასხვა ღონისძიებების განხორციელებას, რაც უზრუნველყოფს მუნიციპალიტეტის მოსახლეობის ჯანმრთელობის დაცვას სხვადასხვა გადამდები და ინფექციური დაავადებისაგან. 2026 წლის ასიგნების მოცულობა 1621,5 ათას ლარს შეადგენს.

|          | პრიორიტეტი, პროგრამა, ქვეპროგრამა  | 2026 წლის პროექტი |
|----------|--|-------------------|
| 06 00    | <b>ჯანმრთელობის დაცვა და სოციალური უზრუნველყოფა</b>  | <b>1 621,5</b>    |
| 06 01    | ჯანმრთელობის დაცვა   | 280,8             |
| 06 01 01 | საზოგადოებრივი ჯანმრთელობისა და უსაფრთხო გარემოს უზრუნველყოფა  | 280,8             |
| 06 02    | სოციალური დაცვა  | 1 340,7           |
| 06 02 01 | სამკურნალო და საოპერაციო ხარჯებით დახმარების პროგრამა  | 250,0             |
| 06 02 02 | კომუნალური გადასახადები  | 10,0              |
| 06 02 03 | ომის მონაწილე ვეტერანებისა და მათი ოჯახების დახმარების პროგრამა  | 33,2              |
| 06 02 04 | ოჯახების და ბავშვების დახმარების პროგრამა  | 180,0             |
| 06 02 05 | სოციალური სერვისი-უფასო სასაძილო და სოციალური სამრეცხაო  | 207,0             |
| 06 02 06 | შშმ პირის სტატუსის მქონე ბენეფიციართა სარეაბილიტაციო კურსის დაფინანსების პროგრამა  | 70,0              |
| 06 02 07 | ბიკარბონატული ჰემოდიალიზით-თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების ხარჯი                   | 50,0              |
| 06 02 08 | სასკოლო-საკანცელარიო ნივთების შეძენა   | 8,0               |
| 06 02 09 | 100 და მეტი წლის ხანდაზმულ პირთა დახმარების პროგრამა და შინმოვლის სერვისი  | 90,0              |
| 06 02 10 | გარდაცვლილი დევნილის და ომის ვეტერანის სარიტუალო მომსახურების პროგრამა   | 2,0               |
| 06 02 11 | მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარების პროგრამა | 125,0             |
| 06 02 12 | ონკო და ლეიკემიით დაავადებულთა დახმარების პროგრამა   | 40,0              |
| 06 02 13 | ერთჯერადი სოციალური დახმარების პროგრამა  | 120,0             |
| 06 02 14 | ეპილეფსიითა და პარკინსონიზმით დაავადებულთა დახმარების პროგრამა   | 23,5              |
| 06 02 15 | ბავშვთა ნხარდაჭერის პროგრამა   | 25,0              |
| 06 02 16 | ოჯახში ძალადობის მსხვერპლთა სტატუსის მქონე პირთა დახმარება   | 2,0               |
| 06 02 17 | განვითარების დარღვევების მქონე ბავშვთა რეაბილიტაცია/აბილიტაცია   | 30,0              |
| 06 02 18 | პერსონალური ასისტის მომსახურება  | -                 |
| 06 02 19 | სტუდენტთა სწავლის დაფინანსება  | 50,0              |
| 06 03    | ინტეგრირებული საქმიანობის დღის ცენტრი  | 25,0              |
| 06 04    | გენდერული განვითარების ხელშეწყობის პროგრამა  | -                 |



### ეკონომიკის განვითარების ხელშეწყობა

ეკონომიკური განვითარების ხელშეწყობისათვის განსახორციელებელი პროექტები მიზნად ისახავს ადგილობრივი ბიზნესის სტიმულირებას და პოპულარიზაციას, მუნიციპალიტეტის ცნობადობის ამაღლებას, ტურისტული ლოკაციების შესახებ ცნობადობის ამაღლებას და პოპულარიზაციას. პროგრამის მიზანია მუნიციპალიტეტში ტურიზმის განვითარების პოლიტიკის ჩამოყალიბება და განხორციელება, მდგრადი და შიდა ტურიზმის განვითარების ხელშეწყობა, ცნობადობის ამაღლება ადგილობრივ და საერთაშორისო ბაზრებზე. ტურიზმის ინდუსტრიის წარმომადგენლებისათვის თემატური სემინარების, ვორქშოპების და ტრენინგების ჩატარება; ადგილობრივი და საერთაშორისო ღონისძიების ორგანიზება/თანაორგანიზება. პრიორიტეტის ასიგნება 87,5 ათასი ლარით განისაზღვრა.

|       | პრიორიტეტი, პროგრამა, ქვეპროგრამა  | 2026 წლის პროექტი |
|-------|------------------------------------|-------------------|
| 07 00 | ეკონომიკის განვითარების ხელშეწყობა | 87,5              |
| 07 01 | ტურიზმის საინფორმაციო ცენტრი       | 87,5              |
|       |                                    | -                 |